

ԵՐԿՈՒ ՀԻՄՆԱԿԱՆ ՈՒՂՂՈՒԹՅՈՒՆՆԵՐԻ
ԶԵՎԱՎՈՐՈՒՄԸ ՀԻՆ ՀԱՅԿԱԿԱՆ ՄՇԱԿՈՒՅԹԻ ՄԵՋ

ՀՍՍՀ ԳԱ ակադեմիկոս Բ. Ն. ԱՌԱՔԵԼՅԱՆ

Հայ ժողովրդի և նրա մշակույթի ձևավորումը սեղի է ունեցել պատմական բարդ պայմաններում: Դարերի ընթացքում հարաբարդվել են հասարակական-տնտեսական, քաղաքական, էթնիկական և կուլտուր-պատմական տարբեր անցքեր ու իրողություններ, որոնք հայ ժողովրդի ինչպես էթնոգենետիկ, նույնպես և էթնոկուլտուր պարզացման պրոցեսների վրա ունեցել են բազմակողմանի, երբեմն էլ հակասական ներգործություն, նրկարացնելով այդ պրոցեսների ընթացքը:

Հնագիտական և գրավոր աղբյուրների ուսումնասիրությունը ցույց է տալիս, որ Հայկական լեոնաշխարհի դաշտային, լեոնային ու նախալեոնային դոտինների բնակչությունը, հարմարվելով տեղի բնակլիմայական պայմաններին, վարել է տարբեր բնույթի տնտեսություն, ապրել է ոչ միօրինակ կյանքով: Երկրի և նրա բնակչության կտրտվածությունը, աշխատանքի հասարակական բաժանման տարբեր բնույթն ու մակարդակը, հաղորդակցության ճանապարհներին մոտ կամ հեռու գտնվելը, առավել զարգացած և առաջադեմ կամ նվազ զարգացած երկրներին սահմանակից և հաղորդակից լինելու և այլ հանգամանքներ պայմանավորել են երկրի տարբեր շրջանների ինչպես հասարակական-տնտեսական, այնպես էլ նյութական և հոգևոր մշակութային զարգացման տարբերությունների առաջացումը: Բազմակողմանի ընդհանուր կապերի և փոխազդեցությունների բացակայության պայմաններում Հայաստանի բնիկ ցեղերը ստեղծել էին իրենց տեղական նեղ բնույթ կլոող և ինքնատիպ մշակույթը: Իսկ եթե նկատի ունենանք, որ Հայկական լեոնաշխարհի բնակիչները միատարր չէին էթնիկական կազմով ու լեզվով, ապա պարզ կլինի, թե որպիսի բարդ պայմաններում էր տեղի ունենում հայ ժողովրդի և նրա մշակույթի ձևավորումը:

Այս ամենով հանդերձ հայ ժողովրդի կազմավորման պրոցեսը դեռևս ուրարտական թագավորության ժամանակներում բավականաչափ առաջ էր դնացել, իսկ Ուրարտուի անկումից հետո թեակոխեց իր ավարտական փուլը: Մ. թ. ա. VI—V դդ. Արմինեան կամ Արմենիան իբրև միաբնակսն երկիր և հայ ժողովուրդն իբրև կազմավորված էթնոս արդեն կային ու ճանաչում էին գտել թե՛ հարևանների կողմից և թե՛ այդ դարերի գրավոր աղբյուրներում:

Հայ ժողովրդի կազմավորմանը համընթաց, իբրև այդ պրոցեսի օչինաչափ հետևանք, ձևավորվեց նաև հայկական մշակույթը: Նրա հիմքում, բնականաբար, ընկան հայկական ցեղերի և ցեղախմբերի լուկալ մշակույթները, որոնք դարերի ընթացքում նկատելի ընդհանրություններ ձեռք բերեցին, միավորվելով ստացան համահայկական մշակույթի բնույթ, որն ինչ-որ շափով յուրացրեց, իր մեջ լուծեց նաև Հայկական լեոնաշխարհի ոչ հայկական ցեղերի ու ցեղախմբերի մշակույթը կամ նրա տարրերը: Այս իմաստով հատուկ

ուշադրության և ուսումնասիրության է արժանի ուրարտական մշակութային ժառանգության հարցը հայկական մշակույթի մեջ: Վերջին տասնամյակներում կատարված հնագիտական պեղումների շնորհիվ երևան են եկել նորանոր փաստեր, որոնք նախապես հայտնի եղածների հետ միասին թույլ են տալիս պնդելու, որ ուրարտական մշակույթի շատ տարրեր կաղմել են ձևավորվող համահայկական մշակույթի բաղկացուցիչ մասը:

Հայկական մշակույթի ձևավորման գործում զգալի դեր են խաղացել նաև Հայաստանի և նրա բնիկների կապերն ու շփումները հարևան երկրների ու նրանց մշակույթի, մասնավորապես Մերձավոր Արևելքի հինարևելյան մեծ քաղաքակրթության հետ: Հայերն իրենք ծնունդ են Մերձավոր Արևելքի, դեռևս հնում որոշ չափով հաղորդակից են եղել հինարևելյան քաղաքակրթությանը, իսկ Հայկական լեռնաշխարհում գոյացած Ուրարտուն Հին Արևելքի առավել նշանակալից պետություններից մեկն էր, միանգամայն բնորոշ հինարևելյան մշակույթով:

Այս ամենը պայմանավորեցին ձևավորվող հայկական մշակույթի արեվելյան ավանդական կերպարն ու բնույթը:

Համահայկական մշակույթի ձևավորման ավարտական փուլում նկատելի դեր են խաղացել նաև քաղաքական իրադրությունն ու հանգամանքները՝ ուրարտական պետության թուլացումն ու անկումը, հայկական պետության կազմավորումը, Արեմենյան Իրանի տիրապետության հաստատվելը Հայաստանի վրա:

Ուրարտական պետությունը զուրկ էր էթնիկ միատարրությունից: Իրենք ուրարտացիները, թեև հասել էին ռազմա-քաղաքական տիրապետության՝ Հայկական լեռնաշխարհի բնիկների վրա, բայց կաղմում էին նրանց մի փոքրիկ մասը. ավելին, նրանք չկաղմավորվեցին իբրև ժողովուրդ և մնացին միավորված ցեղախմբի մակարդակին: Այդ էր պատճառը, որ ուրարտական պետության անկումից հետո նրանց, իբրև էթնիկական միավորի, հետքն էլ վերացավ և մնաց միայն նրանց պետականության պայմաններում կերտված հարուստ մշակույթը: Բնականաբար այն չէր կարող աննշանակ լինել Հայկական լեռնաշխարհի բնիկ հայկական ցեղերի, ապա և հայ ժողովրդի մշակույթի հարստացման և ձևավորման գործում և, ինչպես ասվեց, նրա շատ տարրեր մտան ձևավորվող հայկական մշակույթի մեջ:

Ուրարտուի անկումից հետո գոյացած հայկական պետականությունը ենթակա էր նախ մեղական կամ մարական, ապա և արեմենյան հզոր տերություններին ու կարճատև կյանք ունեցավ:

522—520 թթ. ապստամբությունը արեմենյան տիրապետության դեմ աղատություն չբերեց հայ ժողովրդին: Ավելին, Դարեհ I թագավորը վերացրեց հայկական պետականությունը, և Հայաստանը ներգրավվեց արեմենյան յայնածավալ տերության քաղաքական սիտեմում, որտեղ երկիրը մնաց մինչև այդ տերության կործանումը: Մեղ հասած փաստերը ակնհայտ կերպով ցույց են տալիս, որ զգալի է եղել արեմենյան (հետադարձում նաև պարթևական) Իրանի ազդեցությունը հայկական թև՝ նյութական, թև՝ հոգևոր մշակույթի ու լեզվի վրա: Իրանական ազդեցության շափերն ու նշանակությունը ավելի պարզ կդառնան, եթե նկատի ունենանք, որ համահայկական մշակույթի ձևավորումը հիմնականում տեղի ունեցավ արեմենյան տիրապետության ժամանակաշրջանում:

Ինչ խոսք, իրանական հարուստ և զարգացած մշակույթի ազդեցությունը արեմենյան տերությունների քաղաքակրթական սխեմայում գտնվող երկրների մշակույթների վրա զգալի է եղել և ունեցել է ինտեգրատիվ նշանակություն: Սակայն կոպիտ սխալ կլիներ իրանական և հայկական մշակույթների մերձավորությունը, նմանությունները բացատրել միայն ազդեցություններով. պետք է հաշվի առնել նաև այդ մշակույթների հինարևելյան ընդհանուր արմատների ու ակունքների գերն ու նշանակությունը: Բացի այդ, իրանական մշակութային ազդեցությունը կարող էր միջնորդված լինել ասորեստանյան, ուրարտական և այլ կուլտուրաների ազդեցությամբ՝ իրանականի վրա: Այդ ազդեցությունը նշել են Մերձավոր Արևելքի հին մշակույթի շատ ուսումնասիրողներ՝ էրիխ Շմիդտը, Ռոման Դիրշմանը, Բորիս Պիտտրովսկին, Հ. Լուշեյը, Պիեր Ամանդրին, Գ. Տիրացյանը և ուրիշները:

Ամեն մի դարաշրջանի մշակույթն ունի իր լեզուն, իրեն բնորոշ առանձնահատկությունները, ուստի ընդհանրությունները, այն էլ միևնույն աշխարհագրական արևալի հարևան երկրների մշակույթների միջև, կարող են լինել ոչ միայն ազդեցության կամ փոխառության հետևանք, այլև տվյալ դարաշրջանի զարգացման օրինաչափություններով պայմանավորված բնորոշ գծերի դրսևորում:

Մշակութային ընդհանրությունների առաջացման գործում զգալի էր նաև դադափարախոսության, մասնավորապես կրոնա-պաշտամունքային պատկերացումների և ըմբռնումների որոշակի ընդհանրությունը Մերձավոր Արևելքի երկրների ու ժողովուրդների միջև: Դրանք նույնպես պայմանավորում էին ընդհանրությունները նյութական մշակույթի պաշտամունքային բնույթի իրենքի և առարկաների միջև:

Այսպիսով, արեմենյան արևալի երկրների մշակութային ընդհանրությունների պատճառները բարդ ու բազմազան են եղել, որոնց թվում անմիջական ազդեցության և փոխառությունների դերը չի կարելի անտեսել:

Նյութական մշակույթի բնագավառում իրանական ազդեցությունը երևվան է զալիս կիրառական արվեստի՝ Հայաստանում հայտնաբերված VI—IV դդ. բազմաթիվ առարկաների վրա:

Ինչ վերաբերում է հողերի մշակույթին, ապա բավական է հիշել հին հայկական առասպելաբանությունը և հեթանոսական աստվածությունների պանթեոնը, որոնց մերձավորությունը իրանական մի շարք առասպելների և պանթեոնի հետ վաղուց է նշված:

Այսպիսով, արևելյան գիծը կամ ուղղությունը հայ մշակույթի բնիկ արմատական. գիծն է եղել, պայմանավորված նրա ակունքներով, պատմական զարգացմամբ և միջավայրով:

Այս ավանդական ուղղությունն իր դրսևորումներն ու հետագա զարգացումն է ունեցել տարբեր բնագավառներում՝ ճարտարապետության, քաղաքաշինության, բանդակադրոժության, մետաղամշակության, խեցեգործության՝ մի խոսքով մարդու գործունեության դարավոր փորձի և հմտությունների բոլոր աստիճաններում: Այդ են վկայում հին հայկական դարաշրջանի հուշարձանների՝ Գառնիի, Արմավիրի, Արտաշատի և այլ հնավայրերի պեղումների շնորհիվ հայտնաբերված հարուստ և ամենաբազմազան նյութերը:

Հայկական մշակույթի մեջ, սակայն, շուտով պիտի առաջանար նրա ռարգացման երկրորդ հիմնական գիծը կամ ուղղությունը, որով հին հայկական մշակույթը պիտի կապվեր Արևմուտքի հետ:

Արևմտյան ցածր կամ ուղղության առաջացումը հայ մշակույթի մեջ հետևանք էր ամբողջ Մերձավոր Արևելքում տեղի ունեցած սոցիալ-տնտեսական, քաղաքական և մշակութային այն շրջադարձի, որը հետևեց հունա-մակեդոնական բանակների՝ Ալեքսանդր Մակեդոնացու ղեկավարությամբ դեպի արևելք կատարած արշավանքներին և որին տրված է հելլենիզմ անունը:

Մինչև մ. թ. ա. III դարը Հայաստանը կուլտուրական կապեր է ունեցել նաև Արևմուտքի, մասնավորապես հունիական-էգեյան կուլտուրական շրջանների հետ, սակայն դրանք կրել են պատահական բնույթ: Ալեքսանդր Մակեդոնացու արշավանքներից հետո՝ մ. թ. ա. IV դարի վերջերից, Հայաստանը ներգրավվեց հելլենիստական Արևելքի ոլորտի մեջ, երկրի կյանքում տեղի ունեցան հասարակական-տնտեսական, քաղաքական, գաղափարական և կուլտուրական արմատական տեղաշարժեր (III—I դդ.): Նշանակալից առաջադիմություն ապրեց երկրագործությունը, խորացան ստրկատիրական հարաբերությունները, հիմնվեցին շուրջ երկու տասնյակ քաղաքներ, որոնց թվում Արմավիր, Արշամաշատ, Երվանդաշատ, Արտաշատ, Տիգրանակերտ և այլն, դարձան արհեստագործության, առևտրի, կուլտուրայի և արվեստի խոշոր կենտրոններ: 'Իրա ցայտուն վկայությունը եղան հին հայկական քաղաքների՝ Արմավիրի, Արտաշատի, Գառնիի Սովետական Հայաստանում կատարվող պեղումների արդյունքները: Պահպանվեց և շարունակեց զարգանալ մշակույթի տեղական արևելյան ուղղությունը, որը վաղուց էր ավանդական բնույթ ստացել, միաժամանակ առաջացավ և ձևավորվեց հայ մշակույթի երկրորդ հիմնական՝ արևմտյան ուղղությունը, որն իր արտահայտություններն ունեցավ կուլտուրայի տարբեր բնագավառներում:

Քաղաքաշինության մեջ, ինչպես ցույց են տալիս Արտաշատի պեղումները, տեղական ավանդները զուգորդվեցին հելլենիստական սկզբունքների հետ: Միաժամանակ ճարտարապետության մեջ առաջացան նախնական, երկթեք տանիքով և սյունադարձ շենքեր: Կիրառություն ստացավ պատի հելլենիստական շարվածքը՝ քարի սրբատաշ խոշոր բլոկներ, իրար հետ միացած երկաթի և բրոնզե գամերով, որոնք էլ քարերի հետ ամրացված են արձիճով: Աետաջայում, մ. թ. ա. III դարում օգտագործվեց քարի և աղյուսի խառը (mixon) շարվածքը: Դեռևս մ. թ. ա. II դարում հայ շինարարները սկսեցին լայնորեն օգտագործել շենքերի ծածկի կղմիկը, որն անտիկ ձևեր ունի: Արևմուտքից թափանցած բոլորովին նոր երևույթ էր հիպոկատստի՝ շենքերի ստորհատակյա ջեռուցման սխեմայի օգտագործումը: Հիպոկատստ են ունեցել, օրինակ, հին Վաղարշապատում, Գառնիում և Արտաշատում բացված անտիկ դարաշրջանի բաղնիքները:

Շենքերի ներքին հարդարման մեջ սկսեցին կիրառել նոր ձևեր՝ կրաշաղախից քիվեր, որմնանկարներ, մոզաիկա: Արտաշատում հայտնաբերվել են որմնանկարների բեկորներ, որոնք ոբոշակի ցույց են տալիս, որ այստեղ օգտագործվել է որմնանկարչության այսպիս կոչված պոմպեյան առաջին ոճը:

Գառնիի բաղնիքի մոզաիկ հատակը պատկերում է կյանքի ծնունդը ծովում, սիրո, ամուսնության և կյանքի հավերժության պաղափուրը:

Մավալային քանդակագործությունը դարեր շարունակ ամուր պահեց ար-

խաիկ, նկատելիորեն պարզունակ, ավանդական-սոցիալական ոճը: Բայց տեղի ունեցավ հայկական աստվածների պանթեոնի համադրութիւնը հունահելլենիստականի հետ. Արամազդը համադրվեց Դիոսի կամ Զևսի, Անահիտը՝ Արտեմիսի, Սիհրը՝ Հեփեստոսի, Վահագնը՝ Հերակլեսի, Տիրը՝ Ապոլոնի, Նանին՝ Աթենասի, Աստղիկը՝ Աֆրոդիտի հետ: Դա հնարավորութիւն ընձեռեց դրսից բերելու բրոնզի և մարմարե արձաններ և տեղադրելու հայկական տաճարներում: Գտնվել են դրանց հետքերը: Արտեմիս-Անահիտի բրոնզե արձանի գլուխը գտնվել է Սատալայից արևելք, Անահիտի տաճարից ոչ հեռու և պահվում է Բրիտանական թանգարանում: Դա հելլենիստական արվեստի մ. թ. ա. II դարի մի գերազանց ստեղծագործութիւն է, որը Հայաստան է բերվել Փոքր Ասիայից, հավանաբար Պերգամոնից: Իսկ Աֆրոդիտե-Աստղիկի մ. թ. ա. II դարի վերջերի—I դարի առաջին կեսի մարմարե փոքր շափերի արձանը (վրից մինչև ոտքերի թաթերը 57 սմ) 1971 թ. գտնվեց հին Հայաստանի փառաբանված մայրաքաղաք Արտաշատում:

Տեղական-արևելյան բնույթի արձանագործութիւնը I—III դդ. նկատելի առաջադիմութիւն է ունեցել, ինչպես ցույց են տալիս Երևանի և Լենինականի մոտ գտնված տղամարդու և կանացի՝ III դարով թվագրվող գլուխները: Տեղական դեղնավուն տուֆից պատրաստված երևանյան գլուխը մազերի խոշոր գալարներով, երկձուղ մորուքով, որոնք բնորոշ են III դարին, զուրկ չէ հոմեակական պորտրետային քանդակագործութեան որոշ գծերից: Մեզ հայտնի են գրավոր տեղեկութիւններ, թե հեթանոսական արձանները որպիսի մոլեռանդութեամբ ոչնչացվեցին IV դարի սկզբներին, երբ հայերը քրիստոնեութիւն ընդունեցին:

Գործիքների և զենքերի բնագավառում հաստատուն պահպանվեցին տեղական արևելյան տիպերը, իսկ անտիկ ձևերի ներթափանցումը շատ թույլ արտահայտութիւն ունեցավ: Հակառակ պատկերն ենք տեսնում գեղարվեստական մետաղագործութեան և դարձերի բնագավառում: Արևելյան ձևերի կողքին նույնքան զորեղ արտահայտութիւն են ունենում հունահելլենիստական-հոմեակական ձևերը, տեղի է ունենում նաև նրանց փոխադարձ ներթափանցումը:

Արևելյան կերպար ունեն և արևի ու լուսնի՝ կրակի ու ջրի առասպելաբանական պատկերացումների հետ են կապվում մի քանի բրոնզե արձանիկներ, օրինակ, Արտաշատում գտնված աստիճանավոր պատվանդանով արձանիկը, որը պատկերում է եղջերուի գլխին կանգնած արծիվ, ինչպես և արծվի պատկերով արձանիկը: Դրանց մերձենում է նաև Հայաստանում գտնված, բայց չհայտնաբերված պահպանվող եղջերուի արձանիկը, որի գլխին նույնպիսի արծիվ է կանգնած:

Արևելյան և արևմտյան դժեր է համադրում Արտաշատում գտնված քարայծի արծաթե արձանիկը: Նույնը կարելի է ասել Գառնիում դամբարանից գտնված Տ5 մասնի մասերից կապված ոսկյա վզնոցի մասին, որի վրա տիրապետող ևն արևելյան գծերը, ինչպես և Արևելյան Հայաստանի Ախիան ավանի իշխանական դամբարանում գտնված, արծվի պատկեր կրող արծաթե մեղալիսնների, ապարանջանների մասին:

Զգալի թիվ են կազմում աբամետյան ուղղութիւնը ներկայացնող մետաղե գեղարվեստական առարկաները: Այդպիսին են Արտաշատում գտնված էրոսի կամ Ամուրի արծաթե արձանիկը, հիպոկամպների արծաթե և բրոնզե ար-

ձանդակները: Սիսիանի դամբարանի մի մեղալիոնի վրա պատկերված է հելլենիստական աստվածուհի, որը միավորում է Իզիսի, Դեմետրևի և Նիկեի ատրիբուտները՝ ուշ հելլենիզմին բնորոշ սինկրետիկ պատկեր: Պտղաբերության հելլենիստական սինկրետիկ բնույթի աստվածուհու գլուխներ են պատկերված Արտաշատի մի դամբարանում գտնված անանջողերի վրա:

Ռսկե մեղալիոն գտնվել է նաև Սևանի ափից՝ մոր և մանկան պատկերով և ենթադրվում է, որ դա Անահիտ աստվածուհու պատկերն է հելլենիստական և տեղական զծերով:

Ավելի արևմտյան կերպար ունեն հին Արմավիրում գտնված մեղալիոնները, որոնք աստվածությունների պատկերներ են, իսկ ոմանց կարծիքով՝ Թատերական դիմակներ:

Արտաշատում գտնվել են նաև ոսկյա տերևներից կազմված թաղման պսակ, ինչպես և թաղման հելլենիստական բնույթի ծեսերի հետ կապված ոսկյա շրթնակալ, կարոսի (ΣΕΙΣΙΟΥ) ոսկյա տերևներ և այլն: Հանգուցյալին թաղելիս բերանում դրամ դնելը տիպիկ հելլենիստական երևույթ էր. բայց նման գերնզման բացվել է Դաոնիում:

Հայոց Բակուր II թագավորի (161—163) արձաթե թասի վրա (գտնվել է Հյուսիսային Կովկասում). ինչպես և Պետական էրմիտաժում (Լենինգրադ) պահվող նույնանման մի թասի վրա պատկերված են դիոնիսյան տոնախմբությունների հետ կապված Թատերական տեսարաններ՝ պարող մենադա, սատիր, Թատերական դիմակներ, պահարաններ, կենդանիներ, ծառեր և այլն: Ուսումնասիրողների կարծիքով այդ թասերը ծագում են Հայաստանի մերձեփրատյան գավառներից: Արևելյան Հայաստանում՝ Անի քաղաքի սահմաններում, գտնվել է Դիոնիս-Բաքոսի բրոնզե դիմակը, որը արևմտյան կերպարի ավելի շուտ արևելյան պատկերումն է:

Անտիկ դարաշրջանի հայկական արվեստի ուշագրավ գործեր են հայկական դրամները: Մոփքի թագավորների մ. թ. ա. III դարում կտրած դրամներից Արսամեո-Արշամի դրամը զուգորդում է արևելյան զծերը հելլենիստականի հետ: Աբգիսարի և Քսերքսեսի դրամները տիպիկ արևելյան զծեր ունեն և մերձենում են պարթևական դրամներին:

Ավելի ուշ, մ. թ. ա. I դարում Տիգրան II-ի և նրա որդի Արտավազդ II-ի կտրած դրամները ներդաշնակ կերպով համադրում են տեղական-արևելյան զծերը արևմտյանի հետ և հանդիսանում են հայկական հելլենիստական արվեստի աչքի ընկնող ստեղծագործություններ:

Ուշագրավ է, որ հայ թագավորները դրամների վրա իրենց անվանում են ֆիլհելինոս (հելլենասեր): Արտավազդ II-ը ոչ միայն հովանավորել է հելլենիզմը, այլև հունարեն լեզվով գրել է ոլբերգություններ և պատմական երկեր, Արտաշատում կազմակերպվել է էվրիպիդեսի «Բաքոսուհիներ» պիեսի բեմադրությունը:

Արտաշատում գտնվել է մի դրամ, որը կտրվել է տեղում, մ. թ. ա. 183 թ. և ունի հելլենիստական քաղաքային դրամներին բնորոշ ձևավորում: Նրա վրա պատկերված է Տիսև աստվածուհին, որը նույնացված է հայկական պետության և Արտաշատ մայրաքաղաքի հովանավոր Անահիտ աստվածուհու հետ, իսկ մյուս երեսին տեղադրված է Նիկե աստվածուհու պատկերը և ΑΡΤΑΞΙΣΑΤΩΝ ΜΗΤΡΟΠΟΛΕΩΣ մակադրությունը: Քաղաքային դրամ կտրելը մեծ կարևորություն է ներկայացնում, քանի որ նշանավորում է հելլենիստա-

կան բնույթի քաղաքային ինքնավարութեան առկայութիւնը Արտաշատում:

Հնում նյութական կուլտուրայի մասսայական և շատ կարևոր բնագավառ էր խեցեղենի արտադրութիւնը: Շնորհիվ հազարամյա ավանդույթի, կավանոթների մեծ մասը, մանավանդ խոհանոցային խեցեղենի տիպերն ու ձևերը, հաստատուն կերպով հարստեում էին, ընթանալով դարգացման սեփական ուղիով, ինչպես տիպերի ու ձևերի, նույնպես և զեղարվեստական ձևավորման ու զարդերի տեսակետից: Այդուհանդերձ հելլենիստական դարաշրջանում հայկական խեցեգործութեան մեջ թափանցեցին խեցեղեն անոթների բոլորովին նոր տիպեր, ինչպես և նոր զարդամոտիվներ:

Առաջին անգամ Հայաստանում ևրևան եկան ամֆորաներ, ամֆորիսկաներ, կրատեր-կրատերիակներ, պելիկաներ, արիբալներ, մեզարյան անվանվող թասեր, ձկան ափսեներ, ունգվենտարիում անվանվող իլիկաձև անոթներ, արևմտյան կերպավորմամբ օյնոխոյաներ և այլն: Հելլենիզմը թափանցեց նաև հույժ ավանդական և պահպանողական բնույթ կրող խեցեղենի արտադրութեան բնագավառը:

Նույնը կարելի է ասել խեցեղեն անոթների գեղարվեստական ձևավորման և զարդամոտիվների մասին, մանավանդ, գունաւարդ խեցեղենի բնագավառում, որտեղ տեղի ունեցավ մերձավորարևելյան և հունա-հելլենիստական մոտիվների զուգորդումը՝ վերջիններիս գերակշռութեամբ:

Ուշագրավ է և այն փաստը, որ ջնարակած խեցեղենի արտադրութիւնը, որը Հին Արևելքում, Իրանում վաղուց էր հայտնի, Հայաստան թափանցեց Միջագետքից, Սիրիայից և Փոքր Ասիայից՝ հելլենիստական մշակույթի հետ: Տեղում արտադրված ջնարակած խեցեղենը կրկնում է անոթների օտարամուտ տիպերն ու ձևերը:

Անտիկ աշխարհից Հայաստան թափանցեց նաև ապակեղենը, որի ազդեցութեամբ և նմանութեամբ առաջացավ ապակեղենի արտադրութիւնը տեղում:

Երկուստեղի բնագավառում, և թե մ. թ. ա. VI—IV դդ. տիրապետող էին հնատիպ սկարաբեոիդներն ու բաղմանիստ կնիքները, որոնք արևելյան բնույթի գործեր էին, ասլա հետագայում, ներմուծված օրինակների ազդեցութեամբ, գեմմաները՝ մատանիների ակերն ու կնիքներն ընդունեցին հելլենիստական կերպարանք, ինչպես իրենց ձևերով, նույնպես և նրանց վրա փորագրված պատկերներով:

Հելլենիստական մշակույթի ազդեցութեամբ առաջացած արվեստի բոլորովին նոր բնագավառ էր կորոպլաստիկան՝ կավե արձանիկների արտադրութիւնը, որը, սակայն, ոչ միայն կրկնեց Արևմուտքում հայտնի կերպարները և ավելի մերձեցավ արևելյան հելլենիզմի, մասնավորապես Սելևկիայից հայտնի տերակոտային արձանիկներին, այլև ձեռք բերեց տեղական ինքնատիպութիւն: Այդպիսին են, մասնավորապես, Արտաշատում հայտնաբերված մոր և մանկան, հեծյալների, նվագող կանանց արձանիկները:

Այսպիսով, արևմտյան ուղղութեան ձևավորմամբ հայկական մշակույթը հարստացավ ոչ միայն նորանոր կողմերով, հնարներով, այլև մշակույթի նոր բնագավառներով:

Ամֆոփենք:

Հայ ժողովրդի կալմավորման պատմական ևրկարատե պրոցեսը Ուրարտուի թուլացումից և անկումից հետո թեկնոսից իր ավարտական փուլը: Մ. թ. ա. VI—IV դդ. հայ ժողովուրդը իբրև միասնական էթնոս արդեն գոյու-

թյուն ուներ: Դրա օրինաչափ հետեանքը եղավ նաև արդեն համահայկական բնույթ կրող մշակույթի ձևավորումը՝ հայկական ցեղերի ու ցեղախմբերի լուրջ կուլտուրաների հիմքի վրա: Հայ ժողովուրդը Արևելքի դավակն է և նրա մշակույթն իր արմատներով արևելյան է: Այն հնագույն ժամանակներից ի վեր կապեր, ազերսներ է ունեցել հինարևելյան մեծ քաղաքակրթության հետ: Վերջինիս դրսևորումներից մեկը՝ ուրարտական մշակույթն էլ առաջացել և զարգացել է Հայկական լեռնաշխարհում, իսկ Ուրարտուի անկումից հետո ինչոր շափով կազմել է ձևավորվող համահայկական մշակույթի բաղադրիչ մասերից մեկը: Հայկական մշակույթը առաջացել և զարգացել է Մերձավոր Արևելքում, այդ միջավայրի հետ ունենալով սերտ կապեր նաև հետագայում: Այս ամենը պայմանավորել են հայկական մշակույթի արևելյան բնույթը, նրա առաջին հիմնական գիծը կամ ուղղությունը:

Միաժամանակ հայ ժողովուրդը, ապրելով Ասիայի ու Եվրոպայի սահմանագլխին, շուտով ներգրավվում է հունա-հելլենիստական՝ հին կամ անտիկ աշխարհի ոլորտը, ապրում է նրան բնորոշ հասարակական-տնտեսական վերափոխություններ, կապեր և շփումներ է ունենում միջերկրածովյան ավազանի երկրների, հունա-հելլենիստական-հռոմեական քաղաքակրթության հետ և տակավ առ տակավ յուրացնում է նրա նվաճումներն ու գծերը: Այսպիսով, ավելի քան երկու հազար տարի առաջ հայկական մշակույթի մեջ ձևավորվում է հելլենիստական ուղղությունը կամ երկրորդ հիմնական գիծը, որով հայկական մշակույթը կապվում է արևմտյան մշակույթի հետ: Հայկական մշակույթի արևմտյան ուղղությունը կամ գիծը արևելյանի հետ միասին դառնում է հայ մշակույթի հետագա զարգացման մշտական գործոն:

Միջին դարերում հայկական մշակույթը տևական և սերտ կապերի մեջ գտնվեց ինչպես բյուզանդական, նույնպես և արաբա-իրանական քաղաքակրթությունների հետ: Հայտնի են Միջերկրական ծովի ափին առաջացած Կիլիկյան հայկական պետության բազմակողմանի կապերը Բյուզանդիայի, ապա նաև խաչակիրների ու եվրոպական երկրների հետ XI—XIV դդ.:

Հետագայում պարսկական ու թուրքական լծի տակ հեծող հայ ժողովուրդը ազատագրական պայքարի ելած, շուրջ երկու դար թափում էր վատիկանի և արևմտաեվրոպական պետությունների պալատների դռները՝ օգնության հույսով: Այդ դեգերումները ապարդյուն եղան: Սակայն նույն ժամանակներում հայ ժողովրդի մշակութային կապերն Արևմուտքի հետ ի նորոգվեցին սկզբից, մանավանդ հայ գաղթականության, գաղթավայրերի և առևտրականների միջոցով:

Նոր ժամանակներում հայ ժողովուրդը, արևելյան ժողովուրդների թվում, առաջիններից մեկն էր, որը լայնորեն հաղորդակից դարձավ եվրոպական նոր քաղաքակրթությանը՝ Արևմտյան Եվրոպայի երկրների հետ ունեցած կապերի, մանավանդ Արևելյան Հայաստանը հուսաստանի հետ միավորվելուց հետո ռուսական նոր մշակույթին անմիջապես հաղորդակից լինելու շնորհիվ:

Այսպիսով, հայ ժողովրդի մշակույթի մեջ հապարամյակներ առաջ ձևավորված երկու հիմնական ուղղությունները դարերի ընթացքում, որոշ տատանումներով հանդերձ, մշտապես պահպանվեցին, պայմանավորելով հայկական մշակույթի զարգացման ընթացքն ու բնույթը և կապերը համամարդկային քաղաքակրթությունների հետ, հաղորդելով նրան ընդհանուր պատմական հնչեղություն և հանաչողություն:

ФОРМИРОВАНИЕ ДВУХ ОСНОВНЫХ НАПРАВЛЕНИЙ В КУЛЬТУРЕ ДРЕВНЕЙ АРМЕНИИ

Академик АН АрмССР Б. Н. АРАКЕЛЯН

(Резюме)

Длительный процесс этногенеза армянского народа в VI—IV вв. вступает в свой завершающий период. Закономерным последствием образования армянского народа было формирование общеармянской культуры на основе консолидации и слияния локальных культур населявших страну армянских племен. В формировании этнически единой армянской культуры заметную роль сыграла и урартская культура, ряд достижений которой вошел в армянскую культуру как ее составная часть.

Формировавшаяся армянская культура с ее корнями и истоками была культурой восточного облика как по существу, так и по форме. Она продолжала развиваться на традиционно местной восточной основе. В дальнейшем—в эпоху эллинизма (III—I вв.)—Армения оказалась в ареале эллинистического мира, а в ее социально-экономической, политической и культурной жизни произошли серьезные сдвиги и преобразования. Переживает прогресс рабовладельческий строй, углубляются частно-земледельческие отношения, ведется интенсивное градостроительство, развиваются ремесленное производство, торговля, формируется единое армянское государство, приобретающее черты эллинистической монархии, расширяются торгово-экономические, политические и культурные связи Армении со странами эллинистического мира.

Таким образом, наряду с первым и основным, традиционно-местным, восточным направлением в армянской культуре формируется эллинистическое, западное направление. Систематические раскопки в Арташате, Армавире, Гарни и других местах показывают, что эллинистическое, в дальнейшем позднеантичное направление проявлялось почти во всех областях культуры древней Армении вплоть до становления феодального общества и обращения армян в христианство. Носителями эллинистической культуры в Армении были не только царский двор и знать, но и городское население. Раскопки показывают, что некоторые ее элементы проникли также в сельские местности.

Традиционно-местное восточное и эллинистическое—западное—направления не были отделены стеной друг от друга, однако их взаимосвязь и взаимное проникновение происходили неравномерно.

Формировавшееся эллинистическое направление в культуре древней Армении наряду с первым, традиционно-местным восточным, направлением становится постоянно действующим фактором развития армянской культуры и в дальнейшем претерпевает видоизменения, подчиняясь закономерностям развития культуры последующих эпох.